

ՄԱՅՐ ԱԹՈՒԻ ՕԳՆՈՒԹՅՈՒՆԸ ՄԽԻԹԱՐՅԱՆ
ՄԻԱԲԱՆՈՒԹՅԱՆԸ

ԱՄԵՆԱՅՆ ՀԱՅՈՅ ՎԵՀԱՓԱՌ ՀԱՅՐԱՊԵՏԻ ՆԱՄԱԿԸ
ՀՈՄՍԵԱԿԱՆ ԿԱԹՈՒԿ ԵԿԵՂԵՑՈՒ ՔԱՀԱՆԱՅԱՊԵՏ
ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ-ՊՈՂՈՍ Բ ՊԱՊԻՆ

Հռոմ-Վատիկան

Ձերդ Սրբություն,

Մարտ ամսին կարճ այցելությամբ գտնվելով Փարիզ, ընդունեցի այցելությունը Վենետիկի Մխիթարյան հայկական միաբանության ներկայացուցիչների, որոնք ինձ հանձնեցին բովանդակալից պեկուցագիրը միաբանության ընդհանուր Տեղակալի, ի մասին Ս. Ղազար վանքի արդի տնտեսական կացության:

Այդ պեկուցագրից տեղեկացա, որ Մխիթարյան հայրերը վերջին տարիներին Կոնստանդնուպոլսի գնացել որոշ առևտրական ընկերությունների անապահով ֆինանսական գործարքների, որի հետևանքով այժմ վաճառքի են հանված վանքի բոլոր կալվածները: Եվ ավելին, վտանգի տակ են գտնվում նաև վանքում պահպանվող հայ եկեղեցական արվեստի արժեքները՝ հայկական միջնադարյան ձեռագրեր, հնատիպ գրքեր, գեղարվեստական նկարներ, եկեղեցական սրբապան սպասներ, գորգեր և այլ արժեքներ, որոնք հայ ազգի համար սրբապան մատուցներ են Ս. Ղազար վանքին հանձնված ու այնտեղ ապահով պահպանված վերջին ավելի քան երկու դարերի ընթացքում:

Ինձ համար և համայն հայ ժողովրդի համար որ ի Հայաստան և որ ի սփյուռք աշխարհի, անսպասելի մի աղետ է այս կացությունը և ծանր հարված հայ ազգին ու նրա կրոնական մշակույթին:

Ինձ ներկայացնող Մխիթարյան հայրերը հայտնեցին նաև, թե դիմել են իտալական պատկան իշխանություններին, հուսալով, որ նրանք օգնության ձեռք պիտի երկարեն փրկելու համար Ս. Ղազար կղզու բնագաղթի արժեք ներկայացնող այս գանձատունը և միաբանության վարկը:

Տեղյակ դարձա նաև, որ Մխիթարյան հայրերը իրենց պատահած այս դժբախտության մասին, բնական է, պեկուցել են նաև Ձերդ Սրբության, քանի որ նրանք գտնվում են Հռոմի եկեղեցու բարձր հովանավորության ու օրհնության ներքև:

Սույն գրով, հանուն համայն հայ հավատացյալ ժողովրդի և հատկապես հանուն հայ հոգևորականության ու մտավորականության, կանխապես շնորհակալ եմ Ձեր հայրական հոգատար վերաբերմունքի համար, վստահ լինելով որ Ձեր մեծ հեղինակությամբ պիտի տնօրինեք անհրաժեշտը, որպեսզի Ձեր

Սուրբ Աթոռի կառավարչությունը ապրու միջոցառումներով, ցրվումից և կորուստից փրկի Մխիթարյան պատմական վանքի հոգևոր ու նյութական հարստությունները:

Երախտապարտ պիտի մնամ Ձերդ Սրբության, եթե իմ սույն գիրը Ձեր հոգածու ուշադրության առարկան դառնա մոտ ապագային, քանի ուշ չէ դեռևս:

Մնամ հարգալից եղբայրական սիրով ի Քրիստոս, մաղթելով Ձեզ մշտանորոգ հոգևոր եռանդ, մեր օրերի փոթորկալի աշխարհում շարունակելու Ձեր խաղաղարար առաքելությունը:

Վ Ա Ջ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

21 մարտ 1985 թ.

**ՀՈՄԵՆԱԿԱՆ ԿԱԹՈՒԿ ԵԿԵՂԵՑՈՒ ՔԱՀԱՆԱՅԱԳԵՏ
ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ-ՊՈՂՈՍ Բ ՊԱՊԻ ՆԱՄԱԿԸ
ԱՄԵՆԱՅՆ ՀԱՅՈՑ ՎԵՀԱԹԱՌ ՀԱՅՐԱԳԵՏԻՆ**

**ՆՈՐԻՆ ՍՐԲՈՒԹՅՈՒՆ ՎԱՋԳԵՆ Ա
ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

Ս. Էջմիածին

Հնորհակալություն եմ հայտնում 21 մարտ 1985 թվակիր Ձեր նամակի համար, որը վերաբերում էր Վենետիկի Ս. Ղազար վանքի կացությանը, ինչպես նաև այն հետաքրքրության համար, որ Դուք ցուցաբերում եք այդ արժանավոր միաբանության նկատմամբ:

Ուշում եմ վստահեցնել, որ ես մեծագույն ուշադրությամբ հետևում եմ այդ գործին, որովհետև քաջ գիտակցում եմ, թե ինչպիսի անգնահատելի արժեք են ներկայացնում Ս. Ղազար վանքում ի պահ դրված գանձերը՝ հայ հոգևոր մշակույթի և ամբողջ Հայ Եկեղեցու համար: Կանոնավորապես գործի ընթացքին տեղյակ լինելու և ապահովելու համար Սուրբ Աթոռի օգնությունը Մխիթարյան միաբանությանը, ես հանձնարարեցի կարդինալ Ջուլեպպե Կապրիոյին՝ ուղղակիորեն հետևել այդ ամբողջ հարցին: Հույս ունեմ, որ այսպիսով ու նաև Մխիթարյան հայրերի բոլոր բարեկամների աջակցությամբ, մենք կկարողանանք գոհացուցիչ մի լուծում գտնել:

Ես ուրախ եմ օգտվելու այս առիթից՝ կրկին հավաստիացնելու Ձերդ Սրբությանը, որ մնում եմ աղոթող՝ Ձեզ և Ձեր ամբողջ ժողովրդի համար, և հայտնելու Ձեզ իմ եղբայրական սիրտ զգացումներն ի Քրիստոս:

ՀՈՎՀԱՆՆԵՍ-ՊՈՂՈՍ Բ

Վատիկան,

27 մայիս 1985 թ.

**ՆՈՐԻՆ ՍՐԲՈՒԹՅՈՒՆ ՎԱՋԳԵՆ Ա ՎԵՀԱՓԱՌ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Ս. Էջմիածին

Ամանորի և Քրիստոսի հրաշափառ Ծննդյան նվիրական առիթներով ընդունեցեք Մխիթարյան հայրերու ջերմագին շնորհավորանքը, երջանիկ արևշատ տարիներու և շինարար բազում գործոց մաղթանոք ի բարօրություն համոքեն մեր սիրելի ազգին:

Ձերդ Վեհափառություն,

Օրհնությամբ հաճեցեք պորավիզ կանգնիլ Փարիզի ՍԻՔԱՍ նվիրյալ կոչին* և ձեռնարկին՝ քաջալերելով ազգասեր բարերարներ ի հաստատություն սուրբ Ղազարի:

Ամենախորին մեծարանոք և շնորհակալությամբ՝

ՀԱՅՐ ԲԱՐՍԵՂ ՎՐԴ. ՉԵՓԻՃՅԱՆ

Ընդհանրական աթոռակալ Մխիթարյան միաբանության

24 դեկտեմբերի 1985 թ.

**ՄԽԻԹԱՐՅԱՆ ՎԱՐԺԱՐԱՆՆԵՐԻ ՄԻՋԱՋԱՅԻՆ ԿՈՄԻՏԵԻ ՀԵՌԱԳԻՐԸ
ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ**

ՆՈՐԻՆ ՍՈՒՐԲ ԾՅՈՒԹՅՈՒՆ Տ. Տ. ՎԱՋԳԵՆ Ա

Ս. Էջմիածին

Ձերդ Սրբություն,


Մխիթարյան Վարժարանների Միջազգային Կոմիտեի անունից թույլ տվեք նորից դիմել Ձեզ. մեր խորին շնորհակալությունն ենք հայտնում Ձեզ Նորին Սրբություն Հովհաննես-Պողոս Բ Պապի մոտ Ձեր միջամտության համար, որպես հետևանք այն տեսակցության, որ Դուք բարեհաճեցիք ունենալ մեզ հետ Փարիզում Ձեր կեցության օրերին:

Պատիվն ունենք հայտնելու Ձեզ ի գիտություն, որ մեր վանապան բանակցությունները վերջապես հանգեցին դրական արդյունքի. գոյացավ համաձայնություն վճարելու սկզբնապես պահանջված գումարի մեկ երրորդը:

Այժմ ժամանակը հարմար ենք համարում ձեռնարկելու համազգային մի հանգանակության, որի համար Ձերդ Սրբությունը տրամադրություն էր հայտնել մի կոչ հրապարակելու: Խնդրում ենք Ձեզ, որ բարեհաճեք հրապարակել այդ կոչը: Մենք դիմել ենք նաև գերաշնորհ Տ. Գրուտ եպիսկոպոսին, որ մեր սույն խնդրանքը բանավոր փոխանցի Ձեզ: Ավելի քան որևէ մեկը Ձերդ Սրբությունը կարող է գնահատել այն էական նպաստը, որ շուրջ 300 տարուց ի վեր բերում է մեծ Մխիթարի հիմնած միաբանությունը մեր մշակութին:

Հանուն մեր կոմիտեի հայտնում են Ձերդ Սրբությանը իմ խոր երախտագիտությունը այն վստահությամբ, որ Ձեր առաջիկա կոչը պորավիզ կլինի մեզ՝ հաջողությամբ պսակելու մեր ջանքերը:

* Այս առիթով Մխիթարյան Վարժարանների Միջազգային Կոմիտեն կոչ էր հղել համայն հայությանը՝ նյութապես օգնելու Վենետիկի Մխիթարյան միաբանությանը:



Խորին հարգանքներով ի դիմաց Մխիթարյան Վարժարանների Միջազգային Կոմիտեի:

Նախագահ՝

ՎԱՀԵ ՀԱԶՄԱՏԱՐՅԱՆ

Փարիզ, 25 դեկտեմբերի 1985 թ.

ՀՈԳԵՇՆՈՐՀ ԱԹՈՌԱԿԱԼ ԲԱՐՍԵՂ ՎՐԴ. ՉԵՓԻՃՅԱՆ
ՀԱՅ ՄՆԻԹԱՐՅԱՆ ՄԻԱԲԱՆՈՒԹՅՈՒՆ
ՍՈՒՐԲ ՂԱԶԱՐ, ՎԵՆԵՏԻԿ, ԻՏԱԼԻԱ

Սիրով ընդառաջելով Ձեր դիմումին, որոջեցինք հրապարակել կոչ-հայտարարություն համայն հայության՝ հոգուտ Միաբանությանդ նյութական կացության վերականգնման: Այս առթիվ Մայր Աթոռա տրամադրում է քանակական հավար դրվար: Կհաջորդեն հայտարարությունը: Հաճեցեք Մեզ տեղեկացնել որտեղ փոխանցենք վերոհիշյալ գումարը: Աստված ձեզ օգնական:

Օրհնությամբ՝

ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

26 դեկտեմբերի 1985 թ.





ՀԱՅՏԱՐԱՐՈՒԹՅՈՒՆ

Մայր Աթոռիս Դիվանը լիազորված է հայտարարելու, թե Գերագույն Հոգևոր Խորհուրդը, նախագահությամբ Ս. Տ. Վազգեն Ա Ամենայն Հայոց կաթողիկոսի, իր 24 դեկտեմբերի նիստում, ընդառաջելով Սբ. Ղազարի Մխիթարյան ուխտի աթոռակալ Հայր Բարսեղ վարդապետ Չեփիճյանի ու Մխիթարյան Վարժարանների Միջազգային Կոմիտեի՝ Սբ. Էջմիածնին հղած դիմումներին, որոշեց Մայր Աթոռիս համեստ միջոցներից քսանևհինգ հազար դոլլար տրամադրել Մխիթարյան միաբանության օգտին, վերջերս ստեղծված նրա ծանր կացության առթիվ:

Վերոհիշյալ գումարը սիրով տրամադրելով, Վեհափառ Հայրապետը և Գերագույն Հոգևոր Խորհուրդը հույս են հայտնում, որ համայն հայությունը կընդառաջի Մխիթարյան Վարժարանների Միջազգային Կոմիտեի կոչին, որպեսզի համազգային ճիգերով ու բարերար անձանց առատաձեռնությամբ հնարավոր դառնա փրկել Սբ. Ղազարում պահպանվող ազգապատկան հոգևոր մշակութային գանձերը և այսպիսով Մխիթարյան պատմական հաստատությունը դուրս բերել ստեղծված ծանր կացությունից:

ԴԻՎԱՆ ՄԱՅՐ ԱԹՈՒԻ

Սուրբ Էջմիածին,
27 դեկտեմբեր 1985 թ.

